



Број: 01/5-50-3-5-42/18

Сарајево, 15. 1.2018.

**IZVJEŠTAJ O RADU KOMISIJE ZA SAOBRAĆAJ I KOMUNIKACIJE
PREDSTAVNIČKOG DOMA U 2017. GODINI**

Sarajevo, januar 2018. godine

SADRŽAJ

POGLAVLJE I. UVODNI DIO	3
Tabela 1. Pregled sjednica Komisije s tačkama dnevnog reda	4
POGLAVLJE II. IZVJEŠTAJ O AKTIVNOSTIMA KOMISIJE.....	5
Odjeljak A. Zakonodavne aktivnosti.....	5
Odjeljak B. Izvještaji o radu.....	6
Odjeljak C. Imenovanja.....	6
Odjeljak D. Aktivnosti vezane za razmatranje i usvajanje ostalih akata	6
Odjeljak E. Ostale aktivnosti Komisije	7
Odjeljak F. Međunarodna saradnja, seminari, konferencije i radni sastanci.....	8
POGLAVLJE III. REZIME	9

Na osnovu člana 32. stav (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15 i 97/15), u skladu s Uputstvom o metodologiji izrade izvještaja o radu komisija Parlamentarne skupštine BiH (broj: 01,02-02-4-574-1/13, od 10.4.2014.) i zaključkom Predstavničkog doma (broj: 01-50-1-15-15/15, od 22.7.2015.), Komisija za saobraćaj i komunikacije Predstavničkog doma Parlamentarne skupštine Bosne i Hercegovine podnosi Predstavničkom domu Parlamentarne skupštine Bosne i Hercegovine sljedeći

Izvještaj

o radu Komisije za saobraćaj i komunikacije Predstavničkog doma u 2017. godini

POGLAVLJE I. UVODNI DIO

Komisija za saobraćaj i komunikacije Predstavničkog doma Parlamentarne skupštine BiH (u daljnjem tekstu: Komisija) stalno je radno tijelo Predstavničkog doma Parlamentarne skupštine BiH (u daljnjem tekstu: Predstavnički dom). Djelokrug Komisije određen je članom 48. Poslovnika Predstavničkog doma prema kojem Komisija razmatra pitanja koja se odnose na: putne isprave, uspostavljanje i funkcioniranje zajedničkih i međunarodnih komunikacija, reguliranje međunarodnog i međuentitetskog saobraćaja, civilno zrakoplovstvo, informaciono-komunikacione tehnologije i druga pitanja iz oblasti saobraćaja i komunikacija.

Predsjedavajući Komisije je Momčilo Novaković, prvi zamjenik predsjedavajućeg je Nikola Lovrinović, a druga zamjenica je Hanka Vajzović. Ostali članovi Komisije su: Amir Fazlić, Staša Košarac, Šemsudin Mehmedović, Mirsad Mešić, Fehim Škaljić i Jovan Vukovljak.

Sekretar Komisije je Ahmed Jalovičić.

Komisija je obavljala poslove iz svoje nadležnosti u skladu s Planom rada i procedurama utvrđenim Poslovníkom Predstavničkog doma.

U izvještajnom periodu Komisija je održala 11 sjednica, s ukupno 54 tačke dnevnog reda, u okviru kojih je usvojila 18 zaključaka.

Prosijek prisustva članova Komisije sjednicama Komisije je 82 %, a sjednice su u prosjeku trajale 76 minuta.

Tabela 1. Pregled sjednica Komisije s tačkama dnevnog reda

Broj i datum održavanja sjednice	Broj razmatranih tačaka dnevnog reda na sjednici	Prisustvo članova sjednicama Komisije (%)
31. sjednica 1.2.2017.	5	89
32. sjednica 15.2.2017.	3	100
33. sjednica 20.3.2017.	7	89
34. sjednica 19.4.2017.	4	78
35. sjednica 3.5.2017.	5	78
36. sjednica 23.5.2017.	4	78
37. sjednica 12.6.2017.	5	89
38. sjednica 3.7.2017.	6	78
39. sjednica 19.7.2017.	6	67
40. sjednica 18.9.2017.	4	78
41. sjednica 13.11.2017.	5	78
Ukupan broj sjednica: 11	Ukupan broj razmatranih tačaka: 54	Prosječno prisustvo: 82 %

POGLAVLJE II. IZVJEŠTAJ O AKTIVNOSTIMA KOMISIJE

U izvještajnom periodu Komisija je održala 11 sjednica.

Na 11 održanih sjednica Komisija je razmatrala tri prijedloga zakona, četiri izvještaja o radu institucija iz nadležnosti Komisije, kao i druge akte iz svoje nadležnosti.

Na 31. sjednici Komisije, održanoj 1.2.2017., usvojen je Izvještaj o radu Komisije za 2016. godinu.

Na 32. sjednici Komisije, održanoj 15.2.2017., usvojen je Orijentacioni radni plan Komisije za 2017. godinu

U izvještajnom periodu nije bilo putovanja u organizaciji Komisije.

Odjeljak A. Zakonodavne aktivnosti

Komisija je u 2017. godini razmatrala tri prijedloga zakona, i to:

1. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, predlagač: poslanik Damir Arnaut.
Predstavnički dom usvojio je Zakon o izmjenama i dopunama Zakona o osnovama sigurnosti saobraćaja na putevima u Bosni i Hercegovini na 50. sjednici, održanoj 26.7.2017., a Dom naroda na 34. sjednici, održanoj 7.12.2017.
Zakon je objavljen u "Službenom glasniku BiH", broj 89/17.
2. Prijedlog zakona o izmjenama Zakona o osnovama sigurnosti saobraćaja na putevima u Bosni i Hercegovini, predlagač: poslanik Momčilo Novaković.
Predstavnički dom je na 50. sjednici, održanoj 26.7.2017., usvojio Prijedlog zakona u drugom čitanju. S obzirom na to da je Dom naroda na 33. sjednici, održanoj 8.11.2017., usvojio Prijedlog zakona u različitom tekstu u odnosu na Predstavnički dom, osnovana je Zajednička komisija za usaglašavanje teksta zakona.
Dom naroda je na 5. hitnoj sjednici, održanoj 22.12.2017., usvojio Izvještaj Zajedničke komisije za usaglašavanje teksta zakona.
3. Prijedlog zakona o izmjenama i dopunama Zakona o zrakoplovstvu Bosne i Hercegovine, predlagač: poslanica Aleksandra Pandurević.
(završena prva komisijska faza – pozitivno mišljenje Komisije)
Predstavnički dom je na nastavku 54. sjednice, održanom 15.12.2017., usvojio Prijedlog zakona u prvom čitanju.

Odjeljak B. Izvještaji o radu

U izvještajnom periodu Komisija je razmatrala izvještaje o radu institucija Bosne i Hercegovine za koje je nadležna, i to:

1. Izvještaj o radu i finansijski izvještaj Agencije za poštanski saobraćaj BiH za 2016. godinu;
2. Izvještaj o radu Državne regulatorne komisije za električnu energiju za 2016. godinu;
3. Izvještaj o radu i poslovanju BHRT-a za 2016. godinu, Izvještaj o realizaciji programskih planova BHT 1, BH Radija 1, Muzičke produkcije BHRT-a i Portala BHRT-a za 2016. godinu;
4. Izvještaj o radu Vijeća ministara BiH za 2016. godinu, u dijelu koji se odnosi na aktivnosti iz djelokruga Ministarstva komunikacija i prometa BiH i Regulatorne agencije za komunikacije BiH.

Odjeljak C. Imenovanja

U izvještajnom periodu Komisija je razmatrala sljedeće imenovanje iz svoje nadležnosti:

1. Rang-lista kandidata za člana Upravnog odbora Javnog radiotelevizijskog servisa Bosne i Hercegovine iz reda ostalih.
Predstavnički dom na 45. sjednici, održanoj 10.5.2017., i Dom naroda na 29. sjednici, održanoj 29.5.2017., imenovali su Ljubomira Zuberu za člana Upravnog odbora Javnog radiotelevizijskog servisa BiH iz reda ostalih.
Objavljeno u "Službenom glasniku BiH", broj 41/17.

Odjeljak D. Aktivnosti vezane za razmatranje i usvajanje ostalih akata

Komisija je u okviru svoje nadležnosti razmatrala sljedeće akte:

1. Informacija Agencije za pružanje usluga u zračnoj plovidbi BiH o nemogućnosti uknjiženja sredstava kredita EBRD-a u okviru Strategije BHATM;
2. Dopis Direkcije za civilno zrakoplovstvo BiH - Odgovor na netačne opservacije Agencije za pružanje usluga u zračnoj plovidbi BiH, dostavljene institucijama i javnosti BiH;
3. Informacija Agencije za pružanje usluga u zračnoj plovidbi BiH u vezi s uvođenjem slobodnog planiranja ruta (Free Route Airspace - FRA) u području letnih informacija – FIR Sarajevo;
4. Informacija Ministarstva komunikacija i prometa BiH u vezi sa izgradnjom Pelješkog mosta i mosta na Savi kod Svilaja, te Akcionog plana izgradnje Autoputa na Koridoru 5c;

5. Informacija Ministarstva komunikacija i prometa BiH o uknjiženju imovine nabavljene iz kredita EBRD-a u okviru Projekta BHATM;
6. Informacija Ministarstva komunikacija i prometa BiH o uspostavi prostora slobodnog planiranja letenja (SEAFRA);
7. Informacija Ministarstva komunikacija i prometa BiH o svim administrativnim i stručnim poslovima koje u ime Ministarstva obavljaju druge institucije i tijela;
8. Informacija Ministarstva komunikacija i prometa BiH u vezi s Ugovorom o osnivanju Transportne zajednice;
9. Informacija Regulatorne agencije za komunikacije BiH o rezultatima usklađivanja cijena usluga i tehničkom kvalitetu usluga mobilne telefonije u BiH s cijenama u regionu i Evropi;
10. Informacija Regulatorne agencije za komunikacije BiH o provedenom monitoringu informativnog programa Dnevnika 2 emitera Javnog radiotelevizijskog sistema BiH: BHRT-a, RTRS-a i FTV-a;
11. Izvještaj o finansijskoj reviziji Radio-televizije Bosne i Hercegovine za 2015. godinu;
12. Programski planovi BHT 1, BH Radija 1, Multimedije i Muzičke produkcije BHRT-a za 2017. godinu i Finansijski plan BHRT-a za 2017. godinu;
13. Informacija o održanoj prezentaciji o temi: „Aktuelne aktivnosti Energetske zajednice i provođenje Ugovora o Energetskoj zajednici u Bosni i Hercegovini“, Sarajevo, 12.12.2016.;
14. Informacija o održanoj konferenciji o Javnom RTV sistemu u BiH: „Javni RTV servisi na prekretnici: kako spriječiti finansijski kolaps javnih servisa u Bosni i Hercegovini i omogućiti profesionalno izvještavanje u interesu javnosti“, Sarajevo, 20.12.2016.;
15. Informacija o održanoj parlamentarnoj debati iz oblasti energetske efikasnosti u Bosni i Hercegovini, Sarajevo, 28.2.2017.;
16. Preporuke s konferencije: „Nacionalni javni radiotelevizijski servis Bosne i Hercegovine“, održane 13. i 14.6. 2017. u Sarajevu;
17. Informacija o održanoj prezentaciji Janeza Kopača, direktora Sekretarijata Energetske zajednice “Trenutno stanje ispunjavanja obaveza Bosne i Hercegovine iz Ugovora o Energetskoj zajednici”, 26.10.2017.;
18. Prijedlog izvještaja o radu Komisije za saobraćaj i komunikacije Predstavničkog doma u 2016. godini;
19. Prijedlog orijentacionog radnog plana Komisije za saobraćaj i komunikacije Predstavničkog doma za 2017. godinu.

Odjeljak E. Ostale aktivnosti Komisije

Na inicijativu direktora Sekretarijata Energetske zajednice, a u organizaciji Komisije za saobraćaj i komunikacije Predstavničkog doma Parlamentarne skupštine BiH i Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH, u Sarajevu je 26.10.2017. održana prezentacija o temi: „Trenutno stanje u ispunjavanju obaveza Bosne i Hercegovine iz Ugovora o Energetskoj zajednici“.

Odjeljak F. Međunarodna saradnja, seminari, konferencije i radni sastanci

Članovi Komisije Momčilo Novaković, Nikola Lovrinović i Fehim Škaljić, učestvovali su na „Parlamentarnoj debati iz oblasti energetske efikasnosti u Bosni i Hercegovini“. Navedena debata je održana 28.2.2017., u zgradi Parlamentarne skupštine BiH u Sarajevu, u organizaciji Škole za političke studije Vijeća Evrope u BiH (SPS BiH) i njemačkog društva za međunarodnu saradnju u BiH (GIZ), dok su suorganizator bile Komisija za saobraćaj i komunikacije Predstavničkog doma PSBiH i Komisija za vanjsku i trgovinsku politiku, carine, saobraćaj i komunikacije Doma naroda PSBiH.

Predsjedavajući Komisije Momčilo Novaković prisustvovao je Prvoj konferenciji o potencijalima razvoja softverske industrije Bosne i Hercegovine, koja je u organizaciji Ministarstva komunikacija i prometa BiH i u saradnji s vodećom asocijacijom kompanija softverske industrije u BiH “Bit Alliance” održana 25.4.2017., u zgradi Parlamentarne skupštine BiH u Sarajevu.

Predsjedavajući Komisije Momčilo Novaković i druga zamjenica predsjedavajućeg Hanka Vajzović su 23.5.2017. u zgradi Parlamentarne skupštine BiH u Sarajevu, održali radni sastanak s predstavnicima Fondacije za razvoj medija i civilnog društva „Mediacentar“ u okviru projekta „Transparentnost finansiranja medija“.

Članovi Komisije Momčilo Novaković, Hanka Vajzović i Fehim Škaljić učestvovali su na Parlamentarnom seminaru o nezavisnosti i nepristrasnosti medija, koji je održan 29.5.2017., u zgradi Parlamentarne skupštine BiH u Sarajevu, u organizaciji Parlamentarne skupštine Vijeća Evrope i Parlamentarne skupštine BiH.

Članovi Komisije Momčilo Novaković, Hanka Vajzović, Šemsudin Mehmedović i Fehim Škaljić učestvovali su na Konferenciji „Nacionalni javni radiotelevizijski servis u Bosni i Hercegovini“, koja je u organizaciji BHRT-a i Udruženja BH novinari, u saradnji s Vijećem Evrope, Evropskom radiodifuznom unijom (EBU), predstavnikom OSCE-a za slobodu medija i Medijskom organizacijom jugoistočne Evrope (SEEMO), održana 13.6.2017., u zgradi BHRT-a.

Predsjedavajući Komisije Momčilo Novaković i prvi zamjenik predsjedavajućeg Nikola Lovrinović učestvovali su na Okruglom stolu o otvorenim pitanjima primjene Sporazuma o stabilizaciji i pridruživanju o temi: „Informaciono društvo i mediji“, koji je, u organizaciji Zajedničke komisije za evropske integracije Parlamentarne skupštine BiH i uz podršku Misije OSCE-a u BiH, održan 11.10.2017., u Neumu.

Članovi Komisije Momčilo Novaković, Nikola Lovrinović, Hanka Vajzović i Šemsudin Mehmedović su 28.11.2017. bili u radnoj posjeti Nezavisnom operatoru sistema u Bosni i Hercegovini.

POGLAVLJE III. REZIME

Može se konstatirati da je Komisija u 2017. godini blagovremeno razmatrala sve materijale iz svoje nadležnosti

U domenu zakonodavne aktivnosti Komisija je u 2017. godini razmatrala tri prijedloga zakona, čiji su predlagači bili poslanici iz Predstavničkog doma. Vijeće ministara BiH je, prema svom Programu rada za 2017. godinu, planiralo dostaviti u parlamentarnu proceduru sedam prijedloga zakona iz nadležnosti Komisije, ali je, krajem godine, dostavljen samo jedan prijedlog zakona.

Komisija je kontinuirano sarađivala s Vijećem ministara BiH i resornim Ministarstvom komunikacija i prometa BiH, pa su ministar komunikacija i prometa BiH, odnosno sekretar Ministarstva ili pomoćnici ministra, prisustvovali sjednicama Komisije prilikom razmatranja prijedloga zakona i akata iz nadležnosti Ministarstva komunikacija i prometa BiH.

PREDSJEDAVAJUĆI KOMISIJE

Momčilo Novaković

Prilog: Tabela 2. Tabela prikaz prisustva članova sjednicama Komisije

Tabela 2. Tabela prikaz prisustva članova sjednicama Komisije

Ime i prezime člana Komisije	Broj sjednice i datum održavanja sjednice Komisije										
	31	32	33	34	35	36	37	38	39	40	41
	1.2.2017.	15.2.2017.	20.3.2017.	19.4.2017.	3.5.2017.	23.5.2017.	12.6.2017.	3.7.2017.	19.7.2017.	18.9.2017.	13.11.2017.
Momčilo Novaković	+	+	+	+	+	+	+	+	+	+	+
Nikola Lovrinović	+	+	+	+	+	+	-	+	-	+	+
Hanka Vajzović	-	+	+	+	-	+	+	+	+	+	+
Amir Fazlić	+	+	+	+	+	+	+	+	+	+	+
Staša Košarac	+	+	-	+	-	+	+	-	-	-	-
Šemsudin Mehmedović	+	+	+	+	+	+	+	+	-	+	+
Mirsad Mešić	+	+	+	-	+	+	+	-	+	-	+
Fehim Škaljić	+	+	+	-	+	-	+	+	+	+	+
Jovan Vukovljak	+	+	+	+	+	-	+	+	+	+	-